

**ЎЗБЕКИСТОН РЕСПУБЛИКАСИ ДАВЛАТ ДАСТУРЛАРИНИ АМАЛГА ОШИРИШ УЧУН БЕРИЛАДИГАН
КРЕДИТЛАРНИ ҚАЙТМАСЛИГИНИ СУГУРТА ҚИЛИШ 25-55/210002-сонли БОШ ШАРТНОМАСИ
(АТБ Халк банк Муйнак тумани филиали томонидан берилган кредитлар учун)**

Нукус ш.

2022 й. « 05 » январ

Ўзбекистон Республикаси Молия Вазирлигининг 12.09.2013 йилдаги СФ-серияли №00183-сонли Лицензияси ва Низом асосида фаолият кўрсатувчи, келгусида "Сугурталовчи" деб аталадиган «IShONCh» Банклараро сугурта компанияси МЧЖ КК номидан 2022 йил «05» январдаги 12-сонли ишоннома асосида ҳаракат қилувчи Қорақалпоғистон Республикаси филиали Директори Жалалов Б, бир томондан ва келгусида "Сугурта қилдирувчи" деб аталадиган ишоннома асосида ҳаракат қилувчи АТБ " Халк банк" Муйнак тумани филиали бошлиғи Утегенов Атабек иккинчи томондан, ушбу Ўзбекистон Республикаси Давлат Дастурларини амалга ошириш бўйича бериладиган кредитлар қайтмаслиги хатаридан сугурта қилиш шартномасини қуйидагилар тўғрисида тузишди.

1-БОБ. ШАРТНОМА ПРЕДМЕТИ

1.1. Ушбу шартномага мувофиқ Сугурталовчи Бош шартноманинг биринчи иловасида курсатилган қарздорларнинг кредит шартномасига кура қарзини тўлаш бўйича мажбуриятларини бажарилмаслиги натижасида Сугурта қилдирувчига етказилган зарарни қуйида кўрсатилган тартибда ва ҳажмда қоплаб бериш мажбуриятини олади, бунда Сугурта қилдирувчи мазкур Сугурта шартномасида белгиланган миқдорда ва муддатларда сугурта мукофотини тўлаш мажбуриятини олади, ҳамда ушбу Шартноманинг ажралмас қисми бўлган Сугурталовчига тақдим этилган Аризада (илова № 1) келтирилган маълумотларнинг ҳаққонийлигини тасдиқлайди.

2-БОБ. АСОСИЙ ТУШУНЧАЛАР

Сугурталовчи – Ўзбекистон Республикаси Молия Вазирлигининг 12.09.2013 йилдаги СФ 00183-сонли Лицензияси ва Низом асосида фаолият кўрсатувчи «IShONCh» Банклараро сугурта компанияси МЧЖ.

Сугурта қилдирувчи - Сугурта шартномасини тузаётган, сугурта мукофотини тўлаётган ва Сугурталовчи билан аниқ сугурта муносабатларига қираётган банк ташкилоти.

Сугурта шартномаси – Сугурта қилдирувчи Сугурта шартномасида белгиланган тартиб ва миқдорда сугурта мукофотини тўлаши шарт билан, сугурта ҳодисаси рўй берган тақдирда, Сугурталовчи Сугурта қилдирувчига зарарларини қоплаб бериш мажбуриятини ўз зиммасига олганлигини тасдиқловчи Сугурталовчи ва Сугурта қилдирувчи ўртасидаги ёзма келишув. Сугурта полиси, ариза-анкета, иловалар, истиснолар, алоҳида келишилган шартлар Сугурта шартномасининг ажралмас қисмлари ҳисобланади.

Сугурта Полиси – Сугурта қилдирувчига сугурта мукофотини ёки унинг келишилган қисмини Сугурталовчига тўлаганидан сўнг бериладиган ва мазкур Шартнома талабларига мувофиқ сугурта Шартномаси тузилганлигини тасдиқловчи ҳужжат (илова №2).

Қарздор – Кредит шартномасида номи кўрсатилган муомала лаёқатига эга бўлган жисмоний шахс ёки юридик шахс.

Кредит шартномаси – Сугурта қилдирувчи ва Қарздор ўртасида шартномаси.

Сугурта пули – ушбу сугурта Шартномасининг 5.1-бандида кўрсатилиб, Сугурталовчи ушбу миқдор доирасида тўлайдиган пул маблағлари миқдори.

Сугурта мукофоти – сугурта Шартномасида кўрсатилган ва Сугурта қилдирувчи Сугурталовчига мазкур сугурта Шартнома билан белгиланган тартиб ва муддатларда тўлаши лозим бўлган пул маблағлари миқдори.

Сугурта ҳодисаси – Сугурта шартномасида назарда тутилган, ҳужжатлар билан тасдиқланган ва сугурта даври ва ҳудудида ҳақиқатан рўй бериши оқибатида Сугурталовчининг сугурта товонини тўлаш мажбуриятини вужудга келтирувчи ҳодиса.

Сугурта товони – Сугурта ҳодисаси рўй берган тақдирда мазкур сугурталовчи Шартномасига мувофиқ Сугурталовчига сугурта суммаси доирасида тўланадиган пул маблағлари миқдори.

Сугурта даври - сугурта Полиси амал қилиш даври. Сугурталовчининг сугурта ҳодисалари бўйича мажбуриятлари фақат сугурта Полисида кўрсатилган сугурта даврида амал қилади.

Қуттиш даври – Сугурта қилдирувчининг кредит қайтирилиш жадвалига асосан асосий ва фонд тўловлардан юзага келган муддати ўтган қарздорликлар бошланган 60 (олтмиш) календарь куни давомида ушбу муддати ўтган қарздорликларни тўлашни юзасидан зарурий тадбирларни амалга оширилиш даври.

Зарар – Қарздорнинг Сугурталовчи олдидаги мажбуриятларини бажармаслиги оқибатида Сугурталовчи томонидан тўлик қайтариб олинмаган пул маблағлари йиғиндиси ва сугурта даврида берилган кредит бўйича Қарз олувчи томонидан Сугурталовчига қайтарилмаган асосий қарз суммаси ҳисобланади.

Зарар санаси - қуттиш даври тугагандан кейинги биринчи кун.

3-БОБ. СУГУРТА ХОДИСАСИ

3.1. Сугурта ходисаси бўлиб, Қарздорнинг бахтсиз ходиса оқибатида рўй берган Улим ёки бахтсиз ходиса оқибатида меҳнат қобилиятини йўқотиши (I ва II гуруҳ ногиронлиги) вужудга келиши натижасида Сугурта қилдирувчига кредит шартномасида кўрсатилган шартларда ва муддатларда 60 (олтмиш) кундан ортиқ муддат ичида тўловларни ўз вақтида тўлай олмаслиги ҳисобланади.

3.2. Сугурта ходисаси рўй беришининг асосий шarti бўлиб, қарздорнинг тўловга қобилиятсизлиги Улим гувоҳномаси асосида ёки ўз меҳнат қобилиятини йўқотиши (I ва II гуруҳ ногиронлиги) Ўзбекистон Республикаси Соғлиқни сақлаш вазирлигининг тиббий-меҳнат экспертиза хизмати тизимидаги мустақил таркибий бўлинимаси бўлган "Тиббий-меҳнат эксперт комиссиялари"нинг шахсни ногирон деб эътироф этиш бўйича хулосаси/қарори асосида тан олинади.

4-БОБ. УМУМИЙ ИСТИСНОЛАР

4.1. Мазкур сугурта шартномасига мувофиқ кредитнинг тўлиқ ёки қисми мақсадсиз ёки кредитлаш қондалари ва қўлланмасига амал қилмаслик оқибатида ўз вақтида сўндирилмаганда Сугурталовчи мазкур сугурта шартномаси бўйича жавобгарлик олиб бормайди.

4.2. Қуйидаги ҳолларда Сугурталовчи Сугурта қилдирувчига ходисани сугурта ходисаси деб тан олишни ва сугурта товонини тўлашни рад этиши мумкин:

- Сугурта қилдирувчи Сугурталовчига Сугурта шартномасини тузиш ҳақидаги қарорни қабул қилишига асос бўладиган маълумотларни тақдим этмаган ҳолда сугурта қалтислиги ҳақида қарор чиқариш учун муҳим аҳамиятга эга тафсилотлар ҳақида нотўғри маълумотларни тақдим этса;

- агар Сугурта қилдирувчи ушбу шартнома шартларини бузса;

- агар Сугурта қилдирувчи ва/ёки Қарздор томонидан сугурта ходисасининг юз беришига олиб келган суд ҳукми билан тасдиқланган жиноят содир этилган бўлса;

- агар Сугурта қилдирувчи Сугурталовчининг сугурта шартномасидан келиб чиқадиган ҳуқуқ ва мажбуриятларини амалга оширишига розилик бермаса ёки тўқсинлик қилса.

4.3. Сугурталовчи қуйидаги ҳолларда сугурта товонини тўлашни рад этиш ҳуқуқига эга:

- агар сугурта шартномасининг муддати сугурта ходисаси юз бергунга қадар тугаган бўлса, жумладан Ўзбекистон Республикаси Фуқоролар Кодексининг 948-моддасида кўрсатилган ҳолатларга асосланган ҳолда.

4.4. Сугурта товони қуйидагиларга нисбатан қўлланилмайди:

4.4.1. Кредит шартномаси амал қилиш даврида Қарздорга ҳисобланган, лекин у томонидан тўланмаган кредитдан фойдаланганлик учун жарима, суд ҳаражатлари ва бошқа ҳаражатлар;

4.4.2. Сугурта қилдирувчи томонидан ўз манфаатларини судда ҳимоя қилишга сарфланган ҳаражатлар;

4.4.3. Сугурта қилдирувчи томонидан кредитни сўндириш муносабати билан тўловлар, ўтказмалар, пул маблағларини етказиб бериш ва бошқа операцияларни хатолик билан амалга оширилиши натижасида вужудга келган зарарлар;

4.4.4. Сугурталовчи қуйидагилар оқибатида вужудга келган зарарларни қоплаш бўйича жавобгарлик олиб бормайди:

а) кредит маблағларини кредит шартномасида кўрсатилмаган ёки кредит шартномасида техник-иктисодий асосланмаган ҳаражатларни қоплашга ишлатиш;

4.4.5. Сугурталовчи қуйидаги ҳолларда жавобгарлик олиб бормайди:

а) Қарздор сугурта шартномаси имзоланаётган вақтда унинг муддати ўтган кредит қарздорлиги мавжуд бўлса;

б) Сугурта қилдирувчи ёки Қарздор сугурта шартномаси амал қилиш даврида тўлов муддатини, кредит даврини, кредит шартномасининг бошқа шартларини ўзгартирса ёки кенгайтирса ва бу ҳақида Сугурталовчини ёзма равишда огоҳлантирмаган бўлса;

в) Қарздор кредитдан тўлиқ ёки қисман кредит шартномасида кўрсатилган мақсадлардан бошқа мақсадларда фойдаланса.

4.4.6. Қуйидагилар натижасида бевосита ёки билвосита рўй берган ходисалар сугурта ходисаси деб тан олинмайди:

а) Сугурта ҳудудидан ёки Сугурта даврдан ташқарида рўй берган бахтсиз ходисалар;

б) эпидемиялар;

в) алкоголь маҳсулотларини истеъмол қилиш ёки наркотик моддаларни истеъмол қилиш натижасида захарланиш, Қарздор маст ҳолатнинг ҳар қандай тури ёки мастлик билан боғлиқ ҳар қандай ҳаракатлар оқибатида тан жароҳати олиши ва оқибати Улим билан тугаши;

г) Қарздор бошқариш учун ҳайдовчилик гувоҳномасини талаб этадиган автомобилотранспорт воситасини бундай гувоҳномасиз ҳайдаши оқибатида тан жароҳати олиши ва оқибати Улим билан тугаши;

д) Қарздорнинг ўз жонига қасд қилиши.

4.4.7. Барча турдаги сурункали касалликлар, шу жумладан касбий ва юқумли касалликлар шу жумладан ОИВ инфекцияси, ОИТС ва ҳар қандай таносил касалликлари сугурта ходисаси деб тан олинмайди.

5-БОБ. СУГУРТА ПУЛИ, СУГУРТА МУКОФОТИ

- 5.1. Ушбу сугурта бош шартномаси бўйича сугурта суммаси сугурта полисида (мазкур Бош шартноманинг 2-иловасига) асосан ҳар бир ҳолат учун алоҳида кўрсатилади.
- 5.2. Сугурта бош шартномаси бўйича сугурта мукофоти сугурта полисида (мазкур Бош шартноманинг 2-иловасига) асосан ҳар бир ҳолат учун алоҳида кўрсатилади.
- 5.3. Сугурта мукофоти мазкур Сугурта шартномаси томонлар томонидан имзоланганидан сўнг 5 (беш) банк куни ичида бир йўла тўлов билан Сугурталовчининг банк ҳисоб рақамига тўланади.
- 5.4. Сугурта Полиси сугурта мукофоти Сугурталовчининг банк ҳисоб рақамига тушган кундан бошлаб 1 (бир) банк куни ичида берилади.
- 5.5. Сугурта мукофоти тўланган кун деб, пул маблағлари Сугурталовчининг банк ҳисоб рақамига тушган кун ҳисобланади.

6-БОБ. ШАРТНОМАНИНГ КУЧГА КИРИШИ ВА АМАЛ ҚИЛИШ МУДДАТИ

- 6.1. Мазкур Сугурта шартномаси томонлар имзолаган пайдан бошлаб кучга киради ва « 31 » декабрь 2022 йил гача амал қилади.
- 6.2. Сугурталовчининг сугурта қопламасини тўлаш бўйича мажбуриятлари сугурта мукофоти ёки унинг биринчи бадали нақд пул шаклида тўланганда у тўланган пайдан бошлаб, нақд бўлмаган тўловда сугурта мукофоти ёки унинг биринчи бадали Сугурталовчининг ҳисоб рақамига келиб тушгандан кейин кучга киради.
- 6.3. Сугурта мукофоти кечиктириб тўланса, Сугурталовчининг сугурта қопламасини тўлаш бўйича мажбуриятлари Сугурталовчининг банк ҳисоб рақамига сугурта мукофотлари келиб тушган кундан кейинги кун соат 00:00 да кучга киради.
- 6.4. Кредит шартномаси муддати узайтирилган тақдирда мазкур Сугурта шартномасининг амал қилиш муддати қўшимча келишув тузиш ва тегишли сугурта мукофоти тўлаш орқали узайтирилиши мумкин.

7-БОБ. СУГУРТА ШАРТНОМАСИНИ БЕКОР ҚИЛИШ ТАРТИБИ

- 7.1. Исталган вақтда, учинчи томон манфаатларига таъсир қилмаган ҳолда, ҳар қандай томон бекор қилиш тахмин қилинган кундан бошлаб 30 (ўттиз) кундан кечиктирмасдан бошқа томонни мазкур шартномани бекор қилиш ҳақида ёзма хат билан огоҳлантириш ҳуқуқига эга.
- шартноманинг амал қилиш муддати тугаганда;
Сугурта қилдирувчи мазкур шартномадаги мажбуриятларини тўлиқ бажарганда;
томонлардан бирининг талабига кўра шартнома бекор қилинганда;
Сугурта қилдирувчининг талаби (ташаббуси) билан ушбу шартнома шартлари Сугурталовчи томонидан бузилган ҳолларда;
- ваколатли суд қарорига кўра мазкур шартнома ўз кучини йўқотган деб эътироф этилганда;
Ўзбекистон Республикаси қонун ҳужжатларида назарда тутилган бошқа ҳолларда;
- 7.2. Сугурта қилдирувчи сугуртадан муддатдан аввал сабабсиз воз кенганда ва/ёки қарздорнинг кредит шартномаси бўйича қарзини мудлатидан олдин қайтариши натижасида мудлатидан олдин бекор қилинганда сугурта мукофоти қайтарилмайди.
- 7.3. Сугурта қилдирувчи сугуртадан Сугурталовчи шартнома шартларини бузганлиги сабабли муддатдан аввал воз кечганда, сугурта мукофоти сугурта даврининг ўтмаган даврига нисбатан ҳисоблаб қайтарилади.
- 7.4. Агар сугурта бош шартномаси тузилганидан сўнг, Сугурта қилдирувчи Сугурталовчига сугурта ҳодисаси вужудга келиши эҳтимолини аниқлаш учун аҳамиятли ҳолатлар тўғрисида била туриб, ёлгон маълумотлар берганлиги аниқланса, Сугурталовчи сугурта бош шартномасини бекор деб тан олинишини талаб этишга ҳақли.

8-БОБ. ТОМОНЛАРНИНГ ҲУҚУҚ ВА МАЖБУРИЯТЛАРИ

- 8.1. Сугурта қилдирувчининг ҳуқуқлари:
- 8.1.1. Сугурталовчи билан келишилган ҳолда сугурта Шартномасига ўзгартириш ва қўшимчаларни киритиш;
- 8.1.2. Сугурта шартномаси амал қилиш бутун муддати ичида Сугурталовчидан сугурта масаласи бўйича маслаҳат олиш;
- 8.1.3. Сугурта Полиси йўқолган тақдирда унинг дубликатини олиш.
- 8.2.3. Мазкур сугурта шартномасига мувофиқ сугурта ҳодисаси содир бўлганда сугурта товонини олиш.
- 8.2. Сугурта қилдирувчининг мажбуриятлари:
- 8.2.1. Сугурталовчига рўй берган сугурта ҳодисасининг ҳолатларини ва сабабларини текширишда ёрдам кўрсатиш, ҳамда сугурта Шартномаси бўйича ўз мажбуриятларининг бузилишига йўл қўймасликка қаратилган барча чораларни кўриши.

8.2.2. Шартноманинг амал қилиш даврида, ва шартнома тузилаётганда Сугурталовчига сугурта таваккалчилигини баҳолаш учун аҳамиятли ҳолатлар тўғрисида маълум қилиши, ва маълум қилинган ҳолатларда ўзгариш юз берганлиги маълум бўлса, ва ушбу ўзгаришлар сугурта ҳодисаси рўй бериши эҳтимоллигини оширса, Сугурталовчига унга маълум бўлган ўзгаришлар тўғрисида дарҳол хабар бериши;

8.2.3. Қарздорнинг кредит шартномаси бўйича мажбуриятларини бажариши ҳолати юзасидан сугурталовчига унинг сўровига мувофиқ ўз вақтида маълумот тақдим этиши.

8.2.4. Кредит шартномасида кўрсатилган кредит муддатининг тугашига 30 кун қолганда кредитнинг сўндирилиши ҳолати бўйича ёзма хабарнома бериши.

8.2.5. Тўланган сугурта товони доирасида Қарздорга талаб қўйиш бўйича барча ҳуқуқларини Сугурталовчига ўтказиши.

8.2.6. Сугурта қилдирувчининг юридик манзили ўзгарганда бу ҳақида Сугурталовчига 10 (ўн) кундан кечиктирмасдан хабар бериши.

8.3. Сугурталовчининг ҳуқуқлари:

8.3.1. Томонларнинг келишувига мувофиқ мазкур сугурта бош шартномасига ўзгартиш ва қўшимчалар киритиш;

8.3.2. Сугурта қилдирувчи томонидан Қарздорнинг кредит шартномаси бўйича мажбуриятларини бажариши ҳолати юзасидан ва/ёки сугурта ҳодисаси рўй бериш факти юзасидан нотўғри маълумот берилса сугурта ҳодисаси рўй берганлигини рад этиш;

8.3.3. Сугурталовчи томонидан мазкур шартнома бўйича олган мажбуриятларини бажармаса ёки тўлиқ бажармаси сугурта товонини тўлашни рад этиш;

8.3.4. Мазкур шартноманинг 9.1.-бандига мувофиқ сугурта ҳодисаси содир бўлганлиги ҳақида ўз вақтида хабар бермаса сугурта товонини тўлашни рад этиш;

8.3.5. Сугурта қилдирувчи томонидан тақдим этилган маълумотларни ҳамда Қарздорнинг мазкур сугурта бош шартномаси ва кредит шартномаси шартларини бажариши билан боғлиқ маълумотларни текшириш;

8.3.6. Сугурта қилдирувчининг сугурта товонини тўлаб бериш тўғрисидаги талаби бўйича жавобгарлигини бажарганидан сўнг, Сугурта қилдирувчидан тўланган сугурта товони доирасида Қарздордан талаб қўйиш бўйича барча ҳуқуқларини Сугурталовчига ўтказишини талаб қилиш;

8.3.7. Сугурта қалтислиги даражасига таъсир кўрсатувчи омилларни белгиловчи ҳужжатларни талаб қилиши. Агар мазкур сугурта бош шартномасининг амал қилиш даврида сугурта қалтислиги даражаси ўзгарса, сугурта мукофоти миқдори ҳам ўсиш ёки камайиш тарафига қайта кўриб чиқиши мумкин.

8.4. Сугурталовчининг мажбуриятлари:

8.4.1. Барча зарур ҳужжатлар тақдим этилганидан ва вужудга келган ҳодиса сугурта ҳодисаси сифатида тан олинганидан сўнг, сугурта ҳодисаси тўғрисидаги Далолатнома имзоланган кундан бошлаб 10 (ўн) банк иш куни ичида Сугурта қилдирувчига сугурта тўловини амалга ошириш;

8.4.2. Сугурта шартномаси амал қилиш бутун муддати ичида Сугурта қилдирувчига сугурта масаласи бўйича маслаҳат бериш;

8.4.3. Сугурта Шартномасининг амал қилиш даврида Сугурта қилдирувчидан олинган маълумотлар махфийлигини сақлаш, Ўзбекистон Республикаси қонучилигига мувофиқ Сугурталовчи маълумотни давлат органларига тақдим этишга мажбур бўлган ҳоллар бундан мустасно.

9-БОБ. СУГУРТА ДАЪВОЛАРИНИ КЎРИБ ЧИҚИШ ВА ҲАЛ ҚИЛИШ ТАРТИБИ

9.1. Қарздорнинг қарздорликни қайтариши Кредит шартномасида белгиланган муддатдан 60 (олтмиш) кундан охири кетганда Сугурта қилдирувчи 5 (беш) банк куни ичида бу ҳақида Сугурталовчининг ёзма хабардор қилиши шарт. Сугурта қилдирувчи Сугурталовчига сугурта товонини тўлаб бериш бўйича кутиш даври ўтгандан кейин талаб қўйиши мумкин.

9.2. Сугурталовчига сугурта товонини тўлаш тўғрисидаги талабни тақдим этганда, Сугурта қилдирувчи қуйидаги ҳужжатларни тақдим этиши шарт:

- сугурта товонини тўлаш тўғрисидаги ариза;
- Сугурта Полисининг асл нусхаси;
- кредит шартномаси нусхаси ва кредит бўйича қарздорликни қайтариш жадвали;
- муддати ўтган кредит қарздорликни тасдиқловчи маълумотнома;
- ушбу сугурта ҳолатига алоқадор бошқа ҳужжатлар;

9.3. Мазкур ҳодисага тегишли барча ҳолат, маълумот ва ҳужжатларни ўрганиб чиққанидан сўнг, Сугурталовчи бўлиб ўтган ҳодисани сугурта ҳодисаси сифатида тан олиш ёки тан олмаслик тўғрисида қарор чиқаради. Даъвои кўриб чиқиш муддати, Сугурта қилдирувчи томонидан сугурта товонини ёки сугурта пулини тўлашни сўраб мурожаат этганидан кейин 10 (ўн) кунни ташкил этади. Сугурта қилдирувчи томонидан 9.2-бандда кўрсатилган барча зарур ҳужжат ва маълумотлар тақдим этилмаса, Сугурталовчи улар тақдим этилгунга қадар, мурожаатни кўриб чиқишни тўхтатиб туришига ҳақли.

9.4. Сугурталовчи томонидан юз берган ходиса сугурта ходисаси сифатида тан олинган тақдирда, тўланиши лозим бўлган сугурта товонининг миқдори аниқланади ва сугурта ходисаси тўғрисидаги Далолатномада кўрсатилади, мазкур Далолатнома Сугурталовчи ва Сугурта қилдирувчи томонидан имзоланади.

9.5. Томонлар ўртасида зарар сабаби ва миқдор бўйича низо вужудга келганда мустақил экспертиза ўтказилиши мумкин.

9.6. Юз берган ходиса сугурта ходисаси деб тан олинмаса, Сугурталовчи Сугурта қилдирувчини улар сугурта товонини ёки сугурта пулини тўлашни сўраб мурожаат этганларидан кейин (10) ўн кундан кечиктирмай рад этиш сабабларининг асосланган далил-исботларини ўз ичига олган қарори тўғрисида ёзма равишда хабардор қилади.

10-БОБ. СУГУРТА ТОВОНИНING МИҚДОРИ ВА ТЎЛАШ ТАРТИБИ

10.1. Сугурталовчи томонидан сугурта товони сугурта ходисаси тўғрисидаги Далолатнома имзоланган кундан бошлаб 10 (ўн) банк иш куни ичида тўланади.

11-БОБ. ТОМОНЛАРNING ЖАВОБГАРЛИГИ

11.1. Ўз зиммасига олган мажбуриятларини бажармаганлик ёки тўлиқ бажармаганлик учун тарафлар Ўзбекистон Республикасининг қонуinchилигида белгиланган тартибда бир хил жавобгар бўладилар.

12-БОБ. СУБРОГАЦИЯ

12.1. Сугурта қилдирувчининг зарари учун жавобгар шахсдан талаб қилиш ҳукуки тўланган сугурта товони суммаси доирасида Сугурталовчига ўтади.

12.2. Сугурта қилдирувчи сугурта товонини олганда, Сугурталовчига барча зарур ҳужжатларни бериши шарт ва сугурта ходисаси вужудга келиши учун жавобгар шахсга нисбатан Сугурталовчи қайта талаб қилиш (регресс) ҳукукини амалга ошириши учун зарур барча чораларни кўриши шарт.

12.3. Агар Сугурта қилдирувчи Сугурталовчи томонидан қопланган зарар учун жавобгар шахсга нисбатан ўзининг талаб қилиш ҳукукидан воз кечса ёки бу ҳукуки амалга ошириш Сугурта қилдирувчининг айби билан мумкин бўлмаган бўлса, Сугурталовчи сугурта товонини тўлиқ ёки унинг тегишли қисмини тўлашдан озод қилинади ва сугурта товонининг ортиқча тўланган суммасини қайтариши талаб қилишга ҳақли бўлади.

13-БОБ. ФОРС-МАЖОР

13.1. Агар томонлар мазкур сугурта Шартномаси бўйича мажбуриятларини енгиб бўлмас ҳолатлар, уруш ва бошқа енёсий қалтисликлар (ҳарбий бостириб кириш ҳаракатлари (уруш эълон қилинганми ёки йўқлигидан қатъий назар), исён, революция, иш ташлаш, фуқоралик ғалаёнлари, террористик актлар, фуқоралик урушлари, реквизиция, конфискация, Ўзбекистон Республикасининг махсус ваколатли органи томонидан мулкка эгаллик ҳукукидан доимий ёки вақтинчалик маҳрум этиш (форс-мажор) оқибатида бажармасалар, томонлар жавобгарликдан озод этиладилар. Енгиб бўлмас ҳолатлар таъсири остида қолган томон иккинчи томонни айтиб ўтилган ҳолатлар вужудга келганлиги ва уларнинг тахминий давомийлиги тўғрисида дарҳол ёзма равишда хабардор қилиши, ҳамда бошқа томонга тегишли ҳужжатни тақдим этиши шарт. Форс-мажор ҳолат юз бергани ваколатли орган томонидан тасдиқланади.

13.2. Томонларнинг ёки исталган томоннинг жавобгарлигини амалга оширишга тўсқинлик қилувчи енгиб бўлмас ҳолатлар 90 календар куни ёки ундан ортиқ давом этса, ушбу сугурта шартномаси томонларнинг бир бирига ўзаро даввосисиз бекор қилинган ҳисобланади.

14-БОБ. АЛОХИДА ШАРТЛАР

14.1. Сугурта қилдирувчи Ўзбекистон Республикасининг "Жиноий фаолиятдан олинган даромадларни легаллаштиришга ва терроризмни молиялаштиришга қарши курашиш тўғрисида"ги Қонунда ҳамда Ўзбекистон Республикаси Молия вазирлиги ва Бош прокуратура ҳузуридаги Иқтисодий жиноятларга қарши курашиш департаменти 2009 йил 13 октябрдаги "Сугурталовчилар ва сугурта воситачилари учун жиноий фаолиятдан олинган даромадларни легаллаштиришга ва терроризмни молиялаштиришга қарши курашиш бўйича ички назорат Қондалари"да таъқиқланган шубҳали операциялар хусусида огоҳлантирилган. Ушбу Қарорга риоя қилишнинг юридик масъулияти Сугурта қилдирувчи зиммасига юклатилади.

15-БОБ. БОШҚА ШАРТЛАР

15.1. Ушбу сугурта шартномасига қиритилган барча ўзгартиш ва қўшимчалар, агар улар ёзма равишда расмийлаштирилиб имзоланган ҳолда ҳақиқийдир.



15.2. Сугурталовчи ва Сугурта қилдирувчи ушбу Шартнома мавжудлигига ва унинг мазмунини тегшли томоннинг олдиндан берадиган ёзма розилигисиз ҳар қандай учинчи томонга ошқор қилмасликка рози булади ва тасдиқлайди. Махфий маълумотларни ошқор қилган томон Ўзбекистон Республикасининг амалдаги қонунчилигига қўра жалобгар булади.

16-БОБ. НИЗОЛАРНИ ҲАЛ ЭТИШ ТАРТИБИ

16.1. Мазкур Шартномалдан чиқибди мумкин бўлган барча низо ва келишмовчиликлар музокара йўли билан ҳал этилади.

16.2. Келишувга эришиш имконияти бўлмаганда, Сугурталовчи ва Сугурта қилдирувчи ўртасидаги низо ва келишмовчиликлар Ўзбекистон Республикаси Тошкент туманлараро иқтисодий судида ҳал этилади.

16.3. Мазкур сугурта Шартномаси бир хил юридик кучга эга 2 (икки) нусхада тузилган ва имзоланган бўлиб, ҳар бир тарафда биттадан нусха сақланади.

16.4. Мазкур сугурта Шартномасида ақс этирилмаган бошқа шартлар Ўзбекистон Республикасининг амалдаги қонунчилиги билан тартибга солинади.

17-БОБ. ТОМОНЛАРНИНГ РЕКВИЗИТЛАРИ

Сугурталовчи
« IShONCh » БСК ҚҚ
Сугурталовчининг номидан ва топширигига асосан
Корақалпоғистон Республикаси филиал

Нукус шаҳар, Атажол кўчаси 18 уй, 32 хона
тел.: 95 601-69-56, 97 355-57-33
факс: 95 601-03-18
х/р 2021 6000 3006 0029 8115
АТБ «Invest Finance Bank»
Корақалпоғистон Респ. филиали да
Банк коди: 01139
СТИР: 201 929 1199 СХТУТ: 96220

Директор
Жалал

Юрист
С. Султанов



Сугурта қилдирувчи
АТБ «Халқ банк» Корақалпоғистон
Республикаси Муйнак тумани филиали

Муйнак ш, Бердах кўчаси рақамсиз уй
тел.: 97 506-17-05
факс:
х/р 1610 3000 2000 0063 7001
АТБ Халқ банк Муйнак тумани филиали да
Банк коди: 00637
СТИР 200 387 573 ; ХХТУТ:



Бошқарувчи
А. Утегенов

Юрист
У. Атамуратов